



Орган Лемковского Союза.

Выходит в каждый четверг.

Редакция и администрация в Крыници. — Адрес „Лемко“ Крыница.

Пренумерата в краю:
 50 грошей місячно,
 2.50 зл. полрочно,
 5 зл. рочно.
 В Америці: 1 дол. полрочно,
 2 дол. рочно.
 В Чехословакии:
 3 кор. місячно, 15 кор. полрочно,
 30 кор. рочно.
 Конто чекове Нр. 404.155.

СЧЕСТЛИВЫЙ ЛЬОС
 достал **ТЕОДОР ФЕЦИЦА**, господар и ко-
 оператор в Ганчові пов. горлицкого. Выграл
 он корову, котру отобрал от вмістопред-
 сідателя Лемковского-Союза г-на Д-ра Яро-

слава Сьокалы, адвоката в Горлицях дня 16.
 жолтня.

Дальше тягнене отбуде ся 20. жолтня т. р.
 Пренумераторы „Лемка“ выграют ище коня,
 пружинову берону и 3 бараны.

Осиротівша родина убитого короля скла-
 дат ся с королевы Марии и трох сынов.
 Найстарший Петр має 11 літ. Он остае по
 смерти Александра королем Югославии, яко
 Петр II. До часу его полнолітя буде рядити
 Регенційна Рада с князьом Павлом во главі
 Правительство, войско и урядники зложили
 уж приеягу вірности новому королю, В краю
 пануе порядок и спокой.

**Убийство короля Югославии, Александра I.
 и французского министра закордонных
 діл Барту.**

Дня 9. жолтня т. р. приїхал до Франции
 король Югославии Александр I. Тоту поде-
 рож отбыл он морем на корабли „Дубров-
 ник“, котрым доїхал до французского порта
 Марсылли. В Марсылли встрітили короля
 французскы генералы и представитель фран-
 цуского правительства министр Барту, кот-
 рый привитал короля именем президента
 Франции. По привитаню, котре отбыло ся
 с великом парадом, король и министр Барту
 усіли в автомобиль, котрым мали іхати даль-
 ше. За их автом іхало ище дуже авт, в кот-
 рых находили ся генералы французскы и юго-
 славянскы.

На улицах были толпы народа, котры
 окриками витали короля. Нагле с посеред
 толпы выскочил якийси мужчина и перебі-
 жавши коло полиции, станул на степеню ав-
 томобилия, в котром іхал король и министр
 Барту, и начал стріляти до сере-
 дини. Одновременно с толпы посыпали ся
 также стрілы. Те стріляли его ком-
 паны, котрых было около 10.

Ідучий на коню около автомобиля французскый
 полковник ударил напастника килька раз
 шавльом и напастник упал на землю. Пони-
 мо того однак стрілял дальше так долго,
 пекля его не убито и ранил килькох генера-
 лов французских, полиціянта и людей, при-
 сметрюющих ся переїздови короля.

Тымчасом поспішили с помочом раненым.
 Открыте двери автомобиля и переконано
 ся, же

**Король и мин. Барту лежали
 в калужі кырви**

Стрілы напастника были смертельны. Ко-
 роль был раненый 3 раз в голову, груди и
 брїх. С уст и носа короля плынула кровь,
 змішана с насом мовговом.

Министер Барту был раненый в сердце
 и в руку. Обоих перевезено до префектуры,
 где

король умер по 10 минутах
 а министра Барту поддано операции, котрой он
 также не перетримал и **умер о год. 17**
мин. 40.

Виновником убийства ест хорват, член ре-
 волюційной организации „Комитаджи“. Най-
 дено при нем 100 куль, бомбу и сфалшован-
 ный паспорт чехословацкый, в котром подано
 же называт ся он **Петро Келомен**,
 родом из Загреба, купец приналежный до
 Праги.

На лівом рамени мал виновник вытатуовану
 трупю голову с буквами: И. М. Р. О. Сут то
 буквы террорыстичной организации македон-
 ской. То промавлят, же был то добре упля-
 нованный напад. Консулат чешко-словацкый
 в Загребі подае, же не выставлял николи
 паспорта Петрови Келоменови, с чого видно,
 же паспорт ест сфалшованный.

Само назвиско виновника также не ест
 певне, бо в послідной хвилі розышла ся
 вість, же убийца называт ся Попев.

В часі напада постріляно 9 людей, с тых
 одна женщина уж умерла.

Убитого короля перевезли на корабли „Ду-
 бровник“ до Югославии и погребено в субо-
 ту дня 13. т. м. в родинной гробниці Кара-
 георгиевичей в Тополі.

Ціла Югославия оплакуе смерть любимого
 короля, великого война и политика, котрый
 ціле свое жите роботал для добра своего
 народа и его величия. Плачут за ним и ты-
 сячи рускых біжінцов, котрых он по выгнаню
 с Росии принял и обдарил отцовском любовю.

Революция в Испáини.


Революция в Испанни полягат на борбі
 медже фашизмом и коммунизмом. Фашистов-
 ска програма обнимат знищене коммунистов,
 оборону власности, привернене церкви и дык-
 татуру в роді австрийской. Комуністична
 програма стремит до обаленя теперешной
 системы правления и основаня советской рес-
 публики. Обі тоты партии бют ся медже со-
 бом на смерть и жите. Теперешне прави-
 тельство, котре складат ся с умірованных
 социялистов-республиканцов, не має уж те-
 пер жадной силы. Оно припомнат часы
 Керенского с революции росийской. Але
 в Росии не было фашистов, котры бы проти-
 водійствовали коммунистам, а в Испанни ніт
 Ленина, котрый бы революцію оживил и оду-
 шевил и тому в борбі той уж тепер видно-
 што перевага переходит на сторону католиц-
 ке-фашистовской стороны.

**Кытайцы вымордовали
 отділы японских войск.**

В Манджурии идут великы бои.

Донесят, што около Мукдена находит ся
 велика група кытайских востанцов, котра
 числит около 75.000 люда.

Востанцы тоты ударили на постерунки
 манджурскы и японскы и вымордовали их.
 Задержали они также товаровы вагоны, в кот-
 рых іхало манджурске и японске ввійско. Они
 вымордовали вояков и забрали карабины
 и амуницію. Медже нїма и японско-манд-
 журскыма войскамн вывязал ся под Гунту-
 нянси тридневный бой, в котром было многе
 убитых и раненых.



ШТРАЙК АМЕРЫКАНСЬКИХ МОРЯКОВ.

Кораблі остали в портах.

Дня 8. жолтня т. о. начал ся штрайк моряков вшиткых кораблей, котры мали выплынути с портов, положеных над Атлантійським Океаном. Причином штрайна ест торг о плату, час работы и право лученя ся в професиональны союзы. По поводу штрайка кораблі не выплынули на море.

Совітско-японскы отношеня зас напружены.

Медже японскым министром закордонных діл Гиретом и амбасадором С.С.С.Р. в Токио Юрениевым пришло до вымны нот в ділі восточно-кытайской желізной дороги. Япония в своей ноті заявлят, што арестоване совітских граждан переведено на основаню манджурского закона и што японске правительство не може мішати ся до внутренних діл суверенной манджурской державы. В ноті той Япония упоминат о численных нападах желізно-дорожных и выповідат суд, же арестованя тоты были правно основаны.

Совіты в своей ноті велят виду на Японию, котра относит ся до Ресии враждебно. Правительство Японии одобрят зарядженя манджурских властей, котры нарушають права совітскы и тым самым нарушат оно медженародны права и поносит цілу ответственность за вытворене політычне положене на восточно-кытайской жел.-дорозі.

Тоту обміну нотами уважають політычны круги за явлене заострення в отношенях совітско-японских.

Тайный авиационный договор медже Японіом и Німеччином.

Круги амерыканскы подають, же Німеччина заключила с Японіом тайный авиационный договор, на основаню котрого Німеччина выслала до Японии 600 летчиков и механиков, котры будут ужиты, яко инструкторы.

Посол японскый и украинска справа.

Газеты віденскы подають, же теперешний посол японскый в Варшаві Ито має быти мнимо горячим сторонником украинской справы. Он был долший час в секретариаті Лиги Народов и занимал ся живе ділами меньшинств народовых. Посол Ито удерживал контакт с украинскыма националистами, особенно с Коновальцом. Его сотрудником має быти знаный амерыканскый украинец Яков Магожик.

ПОМІЩАЙТЕ
ОГЛОШЕННЯ
В ГАЗЕТІ „ЛЕМКО“.

Льготы для задолженных газдов.

В жолтні має быти оголошений ряд декретов Г-на Президента Річпосполитой с силом закона. Найважнійшим для наших газдов ест декрет в ділі отдолженя рольництва. Декрет тот бере в оборону передо всім малых газдов до 50 гектаров, котрым будут признаны великы льготы в уплаті долгов и понижене процентов.

Португалли грозит революция.

С Лисбоны доносят, што правительство португалське слідит уважно за ходом рево-

люции испанской и предприняло всякы есторожности, штобы удержати лад и порядок, бо боит ся, же испанска революция може перенести ся до Португалли.

Арестоване комунистов в Болгарии.

Полицийны власти в Софии выкрыли тайну друкарню, в котрой печатано орган партии комунистычной.

В Гасгово выкрыто комунистычну ячейку и арестовано много люда, медже нима также вояков.

Д-р Георгий Смоленский, професор Ягайлонского Универсытета в Кракові.

Курацийно-отдыхово-турыстычна квестия на Лемковщині.

Продолжене.

Движене літно-отдыхово.

Колы курацийны заведеня мають свою власну организацию и сут в великой мірі финансированы и подпорованы властями, то села, до котрых приїзджають літом гости для отдыха еут совсім лишены той помочи и с них не старат ся никто. Не потреба ище раз припоминати значеня господарчого того движеня літно-отдыхового, бо вшиткы знають добре о том, же движене в той формі стае ся правдивом и значном помощом для сельского населеня, котрым принесит оно непосредственны материяльны користи.

Число сел, до котрых приїзджають тепер літники выносит:

в повіті ново-сандецком	108
„ „ ново-торекком	1
„ „ горлицком	48
„ „ ясельском	25
„ „ короснянском	46
„ „ сяноцком	34
„ „ леском	44
Разом	301

Если тотое движене обяло уж 300 сел (правда, барз слабо по пару, або парунадцет людей) то видно с того, што условия развития того движеня на Лемковщині еут добры и движене тотое вартат того, штобы ему дати помоч и подперу. Организовать можна его лем через выдане турыстычного закона, котрый уж пуиготовлят ся. В законі том еут предвиджены дві категории турыстычных місцевостей: отдыховы и стало турыстычны. Будут они мати право लेकरати невеликы таксы, употребляны лем на внутренны инвестици. Крім того однак остае много работы.

1) Треба в першу голову освідомляти людей о користном значеню для них того движеня. Справу тоту можна частично уладити через обговорене ей не сїздах начальников громад. Поза тым мають быти выданы в коротком часі пристудны брошюры о урядженю села, яко місцевости літно-отдыховой и еельской загороды яко дому для літников. Ту треба дуже числити на прыватну инициатыву, общественны организации, Рельну Палату и другы.

2) В звязи с движенем начинат ся звычайно розбудова села, часто однак приберат она вид непожаданий, тому то треба окружити села-літнискя опеком, контролировать их рез-

булову, а возможно тотое ест тепер на основі узнаня крайобрязу за охоронный (§ 337 будовляного закона ая до часу переведеня регуляцийных плянов).

3) С літно-отдыховым движенем лучит ся охорона регионального артизма, подпороване народного промысла и наконец.

4) Организация апровизации (проковмленя) сел-літниск. Для тых сел мусит ся перевести также минимальны урядженя техничны (помешканя, дороги, вода и т. п. и дати лікареку опеку літникам.

Медже потребами, котрых ест много, на перше місце высувають ся дороги, але тоту болячку обговорит ся отдільно, в каждом случаю однак для Лемковщины мусит ся вироботати отдільный плян господарчий, котрый даст подвалины для будучого ей развития.

Движене турыстычне.

Движене турыстычне на Лемковщині ест слабо развито. Оно не перевысшат числа 30.000 рочно, а с того 5/6 частей припадат на повіт ново-сандецкый (Крыницу). Движене турыстычне приносит также много користей культуральных и господарчих, бо стае ся жерелом заробка для місцевого населеня. Правда, сумы оставляны еут значно меньши, однак турыстыка требе мало инвестици и тому при теперешном, господарчем положеню высуват ся на перше місце.

Рейон турыстычный Лемковковщины обнимат: пасмо Яворины в Бескидах Заходних, дальше Бескид Гржбовско-Горлицкый, групу Магуры Вонтковской, Бескид Дуклянский, (група Явориск), групу Буковинцы в Бескиді Ниском, наконец от перевала Лупковского, Бішады Заходни, аж по долину Стрыя (перевал Сянкы). Ест то терен турыстыкы горской и середно-горской. Дорогами входныма сут желізны дороги над Попрадом, над Ославином. (Сянок-Лупков) и над Дністром (Самбор—Сянкы). От полночи жел. дорога трансверсальна карпатска Новый Санч—Ясло—Сянок—Самбор. Сіть тоту дополняють дсрогы узкаторовы льокальны (Лупков—Тисна—Смерек—Соколикы—Устрікы Горишни). В терен тот входит ряд дорог, доходячих аж до полудневой границы с курсуючими часом автобусами. Сіть комуникация для турыстов ест тепер выстарчаюча, річ ясна однак, што инвестици сут пожаданы.

Але ще до нагліїших інвестиції належит: переведене цілого ряду знакованих до-рог і стежок горських, котры лучат верхы гор с літнісками і осадами. Треба визна-нити килька трас далекобіжних. Заложене в літнісках стаций турыстычных, выбудоване в горах ночлеговых домов і выдане отвітних мап і проводников сут также конечны

Роботы выконают турыстычны организации треба лем поперти их усилия. Урядженя турыстычны мусят быти приспособлены до по-треб пішой турыстыкы (горской в цілі поз-нання края) каяковій і зимушної-нартярской.

До тых цілей потреба найменше роботы, а доходы можна мати дост скоро. При тво-реню однак подвалин движеня турыстычного не можна забывати о охороні горского край образа, треба адже окрузити специальном опеком лісы, утворити резерваты, котры приті-гали бы турыстов, хоронити остаткы природы, штуку, місцевый характер, бо тоты именно сут привлекателями того движеня. Всякы інвестиції треба подпорядковати охороні природы і крайобразу.

Д-р Георгий Смоленский
Професор Ягайлонского Университета.

Чим я буду.

Ци я працюю,
Ци я отпочивам,
Ци иду де школы,
Все я про то думам.

Чим даколи буду,
Як я школу скончу,
Як буду великий
И як я вырасту.

Ци буду земличку
Я плугем орати,
Ци где у столяра
Буду майетровати.

А може я буду
Ковальом, ци шевцом,
Може добрым кулцом,
Або зручным кравцом.

Всьо одно, чим буду
Бо треба вам знати,
Нигде нема встыда
Честно працювати.

Але все я буду
Одне памятати,
Любити свой русский народ
Родный край кохати.

Переробил с читанкы
Семан Макс. Карпак
школяр VI. кл. нар. школы
в Климовці пов. горлицкого

Комунальна Каоа Ошадности в Крыници

приймаєт вклады и платит высокий
процент. Уділят также пожичок на
добрых условиях!

Час приготувити землю до инспектов.

Инспектом называєме деревяну скриню без дна, накрыту шибамы и соломяныма матами. До недавна инспекты можна было выдїти лем у огородника, в посїдних однак часах встрі-чат ся их частїйше в господарствах сель-ских. Инспекты повинны закладати вшиткы газдове тых оєа, котры лежат недалеко міст и купелевых заведень, бо через инспекты можна полвести доходы и добробыт в селі. Также и в селах дальше от міст положеных инспекты дадут газдам добры ярины, як огуркы и инши, котры без инспектов не все удєют ся.

Заложене инспектов для людей, котры мают свою землю и господарство не коштує нич, або барз мало, бо кавалец дошки, кус побитых шиб, листовкы на рамы и солома най-дут ся в каждом господарстві. Также и зро-бити може собі инспект кажый сам.

Инспект може быти не лем пожиточный для газды и его родины, але и дохоловый, особенно недалеко міст. А крызыс? Крызыс не єст ту совсім перешкодом, а наоборот именно в часі крызыса треба конечно глядати новых жерел дохода, особенно такого, котрый можна мати без великих вкладов гроша и котрый може дати доходы и скорый оборот.

Инспект має в загороді все-сторонне примїненє. Можеме в нем 1) плакати ріжны ростины (в зимі и вчас на яр), як росады, котры сут для газды важны, бо дают вчасны ярины, котрых ціна єст высша от поздних. 2) По высадженю росад до ґрунту можна засїяти в инспекті огуркы, калярєпу, каляфоры, помидоры и другы, котры, яко вчасны можеме продавати дорого.

Инспект под росады закладаме в лютым; можна и познійше, але втотчас буде росада познійша.

Инспект закладат ся на верху землі, або в ямі, глубокой на 50 цм. Выбрати треба под инспект місце затишне, легко до сонца нахылене и выстелити его верством свіжого стаєнного ґною (найліцше жоньского) 40 до 60 цм. грубом. На тот навоз поставити зроблену с дощок скриню без дна, (звычайно робит ся скрині высокы на 50 цм. долгы на 130 и широкы на 110 цм.) накласти до ней навоза аж по сам верх и накрыти окнами и соломяныма матами. Скриню обложити докола убитым навозом грубо на 40 цм. Коли инспект ся заґріє, што повпаєме по том, же на шибях оєа осяде цара, откырмає инспект и удоптуєме навоз в скрині так, штобы он зровнял ся с нижним мантом скри-ні, насыпуєме жизнью але ровсыпистой землі на 20 цм. грубо и накрываєме зас окнами и матами. Слїдуючого дня землю выґрабати, засїяти зернятками, присыпати легко инспек-товом земльом, котру треба придусити легко дощечком.

Землю до инспектов треба конечно приго-товити в осени. Мусит то быти земля добра, живна, ровсыписта и пересїяна через сито.

Поміщайте олоґошеня в газеті «Лемко».

Кто хце прислужитися нашой газеті, нехай зберат оголошеня с міст и сел повітов Лєско, Сянок, Кресно, Яєло, Горлицы и Новый Санч.

Несподівана напасть.

В газеті «Наш Лемко» с дня 18. верасня т. р. поміщено допись с Вороблика Коро-левского под заглавием: «Звїрське вбитство парубка», в котрой автор (якыйсь там свїдо-мый) не знаючи, як закончить свою мулду допись, выладовав свою злобу на нас рускых и на чит. им. Мих. Качковского.

„Писака“ проливат свои кроводылячи сле-зы над упадком моральности и ширитим ся безвірем серед членов чит. им. М. Качков-ского и стає горячо в обороні религии и по-шанованя свят, помимо того, што сам єст крайным безвірком, котрый был в церкви, як ходил до школы, но и посїдний раз, як его вінчали, а робит того тенденційно, што-бы лем в якыйсь способ очернити и прел-ставити в злом свїтлі читальняков и нашу руску молодеж. Правда мы знаєме, чом он так пише, он мстит ся на читальні за то-што его выключили с членов читальні. Зро-били того, бо уважали „писаку“ недоостойным належати до товариства просвітительного, котре поставило собі за ціль обєдинити и лу-чити, ширити зґоду и братску любов и по-ширяти моральность в селі, одним словом читальня им. М. Качковского являт ся неши-рительом тых вшиткых благородных свойств, якы „писаці“ сут незнаны.

Со злобы, а може и за гроши, со зимчай-ной, ордынарной биткы медже бандытами, не маючими нич общого ани с руском методе-жом, ани с членами чит. им. М. Качковского „свідомый писака“ отарат ся зробити велику „подїю“ и шмарити клейме неморальности на нашу Читальню.

„Писака“ называт читальняков немораль-нимма также и тому, што читальня в день похорона убитого в той битці, устроєна у се-бе представлєне и вечер с танцами. Цїкає понятє моральности у „писаки“.

То тому, же в селі побили ся медже собом не за личных разрахунков ровбываєм, не маючи нич общого с читальняком, читальня мала брати на свой рахунок тоту битку и но-сити жалєбу?! Признаєме, што така мораль-ность єст нам незнана. Ми яко свідомы члєны руского народа жалїєме и смутимє ся тым, же такы преступны случаи мают ище місце по наших селах, однак того не выпро-вадит нас с ровновагы и не заколотит по-рядка в нашой просвітительной роботі.

Читальня поступила цілком морально, по-ступила так, як належало поступити. Тым доказала, што боре ся с бандытызмом, с но-жовиками и с тума, што єут способны за гроши продати самого себе, што хотят пра-цовати на двох фронтах, боре ся с преда-телями.

Члєн Чит. им. Качковского.

Спростованє.

До П. Т. Редакциі «Лемка» р Крыници. На основі § 19. прєс. закона просимє помїстити в найближшом числі «Лемка» слїдуюче

спростованє

в справі дописи с Вороблика Королевского, поміще-ной в ч. 18. «Лемка».

Зґадана допись мала на цілі тенденційным пред-ставлєнєм справы свїдомо впровадити в блуд Рєд. «Лемко» и наразити ю на неприятности, бо неправдом єст, што «кооператив окрали два раз тоты, што бу-дуют Украину», а натомїст правдом єст, же слїдствє в той справі провадит Постерунов Дєрж. Пєлиции и до того часу не выкрыто виновників ани одной

ни другой крадежи. Неправда єст также, будто бы мы подняли крик, што директор школы г-н Барна побудовал сої за кооперативны п'язі дом, а правдом єст, што тота справа никого с нас не интересує (Най-подаст имена, хто бесідовав?).

Таксамо правдом єст, што за укывавє злодієв, за теранє єтілов и утрудненє слідства грозит кара до 5-х літ (арт. 148. § 1. П. К. К.) и на то легко може наразити ся дописователь, котрый знає виновников крадежи и до того часу их укывав.

Если дописователь того не откличє (взлядно не выявит поименно вкривників обох крадежей, то мы будемє его уважати за клеветника а єго допись за тенденційну обмову и зневагу; дописователь (котрого ред. выдаєт) ввойде в юрисдицію є арт. 255. § 1. П. К. К. С глубоким поважанєм Воробличаңы. (16 подписей).

Выкрестила ся.

Дня 17. мая т. р. выкрестила ся Сура Митлер, дочка Лейбы и Шанглі Митлер с Новицы по с. горлицкого Сама выкрестена оповідаєт, што зробила тото с любви до нашей віры и нашого прекрасного обряда и што чує ся тепер барз счастлива. Перед крещенєм она приготвила ся и познала добре нашу віру. По крещеню вышла замуж за Володимира Крайняка господаря в Прислопї. Винчанє отбыло ся торжественно при великом здвизї народа и участи килькох священников.

Жиды, котры всякыма способами старали ся не допустити до креста, видячи што всякы толкованя не помогают, начали молити ся в божницах; они чули ся барз несчастливы тым отступництвом.



Дня 21. червня т. р. упокоид ся в Бозї по долгой и тяжкой хворотї Стефан Ячечак, господар с Новицы.

Покійный, бывший Телергофєц, был свидомым руским патриотом и брал живу участь в народной работї. Был он долголїтним членом О. в. с. им. М. Качковского, членом—основателем руского Кооператива и Читальни в Новицї, членом Лемковскогo Кооперативного Союза в Горлицах. Русь стратила в нем доброго и трудячого сына, жена—вдова и шестеро дробных дїтей печаливого мужа и опекуна.

Вїчная Ему памяты!

ПО ЗАБАВІ В ПОВБОРОЗНИКУ.

Лемковскый Союз устроил дия 6. жолтня забаву с танцами, котре выпела барз добре. Помимо доща, с причинившого отсутствє милых гостей с горлицкого повіта, салья была набита и бавлено ся весело аж до рана. Настроєнє поправлял добре заосмотреный и дешевый буфет, в котром не уставало оживленє до самого конца забавы. Выбрано красавцов—лемков в лицах г-на Романа Венгрыновича и Марии Петр як, котрых фотографію помїстит ся в слїдуючом числї «Лемка».—Чиста прибыльє выносит 93 зл. 12 гр.



Приїзджайте на забаву!

Дня 3. палолїста отбудє ся в Крыницї в сали «Багателї» при ул. Крашевского забава с танцами. Много рзличного рода милых несподіванок. Буфет дешевый и добре заосмотреный. Паннятам ручимє, што не будут петрушковати, хлопцы найдут великий выбор красавиц—вшиткы будут довольны!

КРЫНИЦА.

Дня 14. жолтня т. р. отбыло ся в Крыницї селї Обще Собранє членов читальни им. М. Качковского. По деклямацїях и співї выбранный председателем собрания г-н Д-р Орест Гнатышак поясвил цїль и користи, якы даєт нашому народу читальни им. М. Качковского, завозвал собранных до безпрерывного просвітительного труда и представил програму работы в читальни на слїдуючий рок. По єго нагородженой рукоплесканєм промовї здаєт справу с касы и дїятельности за минувший рок и собранє удїлило уступаючому выцілови абсолюторію. До нового выдїла выбрано г-на Томка Живницкого председателем, Павла Греняка заступником, Володимира Гойняка секретаром, Марию Петрык библиотекарю, Надежду Копыстянску ка спером. До контрольной комиссии вошли г-н Григорий Пыж, Е. Яновичка и Стефанида Дуркот. Собранє рїшило сировадити дырґента для ведєня оркестра и хору и для собрания на тоту цїль потребных средств, опадатковали ся добровольно члены читальни и продолженє цілого рока. Также рїшено приступити до будовы власного дому читальняного. Помагай Бог в добром дїлї!

Найлїпше и найдешевше

може каждый фурман заосмотрити ся в потребный для себе товар як овец, оїно, сїчку смары, подковы клинцы в своем руском «Фурманском Кооперативї», котрый находит ся в Крыницї Здрою в домї г. Назара Громосяка коло рїзнї.

ШКОЛЬНЫ ОПЛАТЫ В НАРОДНЫХ ШКОЛАХ.

Невеселу вїсть приносят нам газеты, именно Министерство Віроисповіданя и Просвіщеня має поменшати свой бюджет о 18 миллионов зл. Штобы не допустити до редукии учителей и других обмежень — єст наміренє впровадити в народных школах оплату за науку

Был бы то новый тягар, бо до тепер наука в школах народных была бесплатна, при том єст обвязок посылати каждую дитину до школы. При введено оплат за науку треба бы знєсти т. зв. примус школьный, а втотчас увеличит ся число неграмотных, бо в теперешних тяжких часах не каждый зможе заплатити хоц бы и невелику суму за науку в школі.

ДО ЧОГО ДОВОДИТ ЗЛОБА.

От 1933 р. наш єгомось М. Жеплинский не выпминат на Службї Божой: «и всіх вас православных», лем «и всіх вас да ломянет»... а коли люди просили єго, штобы не скорочал Службу Божой, отповіл, же єго зубы болят. От праздника Рождества Преч. Дивы «перелицовав» уж и Утреню, бо вмїсто слов: «утверди Боже віру православну»... казал дякови співати «католицьку»... а коли люди с Анном Кобельюм заспївали так, як єст в церковных книжках и як все до того часу співали, то на проповідї так ся о том розбесідовав же аж прикро было слухати. Видно однак, же люди котры у нас сят барз до церкви привязаны и котры дорожат каждым словом, находячим ся в церковных книгах и уважают єго за святощи, не дуже взяли собі до серца тоту проповідь, бо уж слїдуючой недїлі хор досївал опущєны слова при великом входї. Ци то отже не соблазн для сцокійного и религийного населєня и ци вы не здаєте собі справы с того, же религиом не мочна фрымарчити?!

Дівчата и вдовы—то для вас!

Мужчина темноволосяый (шатин) літ 26 має охоту ожєнити ся и глядат товаришки житя в віку до 21 літ с приданным около 400 польяров, або маетком отповідной вартости. Оферты с фотографіюм прошу присылати под адресом редакци «Лемка» Крыница под «Счастлива молодеж».

Найлїпши условия асекурацийны

дає

Асек. Товариство
ВИТА-КРАКОВСКЕ
во Львові.

Оно спомагаєт также наши товариства. Информации удїлят редакци «Лемка».